



# BULETIN



RRITJA E PJESËMARRJES SË PUBLIKUT NË PROCESIN LEGJISLATIV

Buletin informativ / Nr.18

Mars 2005

Projekt i Qendrës së Studimeve Parlamentare dhe Programit të Drejtësisë, Fondacioni Shoqëria e Hapur (SOROS)

## Nga Mbledhjet e Këshillit të Ministrave

I. Mbledhje e Këshillit të Ministrave e datës 18.2.2005

### PROJEKTLIGJE

(Vendime për propozime projektligjesh)

1. Për disa shtesa dhe ndryshime në ligjin nr.8461, datë 25.2.1999 "Për arsimin e lartë në Republikën e Shqipërisë", të ndryshuar.

- Ndryshimet e propozuara kanë për qëllim përafrimin e legjislacionit që rregullon arsimin e lartë ushtarak me atë civil, duke e bërë pjesë përbërëse të tij, me të njëjtat tipare të organizimit dhe të funksionimit.

2. Për ratifikimin e Marrëveshjes ndërmjet Këshillit të Ministrave të Republikës së Shqipërisë dhe Qeverisë së Republikës Popullore të Kinës, për shmangien e taksimit të dyfishtë dhe parandalimin e evazionit fiskal lidhur me tatimet mbi të ardhurat dhe kapitalin".

- Kjo Marrëveshje do të ndikojë në rritjen e investimeve të ndërsjella midis dy vendeve, në rritjen e shkëmbimeve tregtare, të

(Vijon në faqen 2)

## Nga Punimet e Kuvendit

Nga Seancat Dëgjimore të Zhvilluara në Kuvendin e Shqipërisë Mars 2005

### Raport për veprimtarinë e Avokatit të Popullit për vitin 2004

Komisioni për Çështjet Ligjore, Administratën Publike dhe të Drejtat e Njeriut, në mbledhjen e datës 7.03.2005, zhvilloi seancën dëgjimore publike "Për veprimtarinë e Institucionit të Avokatit të Popullit për vitin 2004". Në mbledhje mori pjesë Avokati i Popullit dhe përfaqësues të tjerë nga ky Institucion si dhe media të ndryshme.

Komisioni i Ligjeve dëgjoji raportimin e bërë nga Avokati i Popullit, zoti Ermir Dobjani, i cili bëri një ekspozitë të përm-

(Vijon në faqen 4)

## Në këtë numër do të lexoni:

1. Nga Mbledhjet e Këshillit të Ministrave  
faqe 1-3

2. Informacion mbi faqet e internetit të Institucioneve Qendrore  
faqe 1,3

3. Nga seancat dëgjimore të zhvilluara në Kuvendin e Shqipërisë mars 2005  
faqe 1,4-6

4. Nga punimet e Kuvendit shkurt 2005  
faqe 7-8

5. Kalendari 3 javor i Kuvendit të Shqipërisë  
15 mars - 4 prill 2005  
faqe 9-12

## Informacion mbi faqet e internetit të Institucioneve Qendrore

Kuvendi i Shqipërisë  
[www.parlament.al](http://www.parlament.al)

Këshilli i Ministrave  
[www.keshilliministrave.al](http://www.keshilliministrave.al)

Presidenca  
[www.president.al](http://www.president.al)

Bashkia e Tiranës  
[www.tirana.gov.al](http://www.tirana.gov.al)

Ministria e Arsimit dhe e Shkencës  
[www.mash.gov.al](http://www.mash.gov.al)

Ministria e Punëve të Jashtme  
[www.mfa.gov.al](http://www.mfa.gov.al)

Ministria e Shëndetësisë  
[www.moh.gov.al](http://www.moh.gov.al)

Ministria e Financave  
[www.min.fin.gov.al](http://www.min.fin.gov.al)

Ministria e Rendit Publik  
[www.mpo.gov.al](http://www.mpo.gov.al)

Ministria e Pushtetit Vendor dhe Decentralizimit  
[www.mpvd.gov.al](http://www.mpvd.gov.al)

Ministria e Transportit dhe Telekomunikacionit  
[www.mtt.gov.al](http://www.mtt.gov.al)

(Vijon në faqen 3)

# Nga Mbledhjet e Këshillit të Ministrave

*(Vijon nga faqja 1)*

sipërmarrjeve tregëtare të individëve etj. Kjo Marrëveshje heq "barrierat fiskale" (për tatimet direkte) dhe njëson trajtimin tatimor të individëve apo kompanive të secilit vend në vendin tjetër.

**3.** Për parandalimin e konfliktit të interesave në ushtrimin e funksioneve publike".

- Projektligji rrit interesin dhe forcon besimin e publikut për një vendimarrje të paanshme dhe transparente.

- Jep përkufizimin e plotë të konfliktit të interesave.

- Përcakton detyrime standarte dhe procedura të plota për deklarimin e interesave si ato të lidhura me çdo rast të vendim marrjes, ashtu edhe me deklarimin e përvitshëm.

- Përcakton ndalimet dhe/ose kufizimet e interesave private të zyrtarëve për rastet e lidhjes së kontratave ndërmjet institucioneve shtetërore dhe personave privatë, krijimit të të ardhurave ose përfitimeve për shkak të funksionimit zyrtar, të dhuratave, premtimeve apo trajtimit të preferencave.

- Përcakton strukturën institucionale përgjegjëse për zbatimin e këtij ligji, duke ndjekur parimin e një strukture të specializuar qendrore (Inspektoriati i Lartë i Deklarimit dhe Kontrollit të Pasurive, shndërrohet në Inspektoratin e Lartë të Parandalimit dhe Kontrollit të Konfliktit të interesave.)

- Parashikon sanksione me gjobë për kundravajtjet administrative, si dhe krahas masave disiplinore edhe mundësinë e procedimit penal etj.

## **VENDIME të Këshillit të Ministrave data 18.2.2005**

**1.** Për miratimin e Katalogut Shqiptar të klasifikimit të Mbetjeve.

**2.** Për disa shtesa në vendimin nr.148, datë 31.3.2000, të Këshil-

lit të Ministrave, "Për mënyrën e shitjes së mallrave të ardhura grant nga Japonia, në kuadër të projektit "Shtimi i prodhimeve ushqimore, 2KR".

**3.** Për ngritjen e Sekretariatit të Komitetit Koordinues të Ministerialit të mbrojtjes së Europës juglindore (SEDM- CC) dhe të Komitetit Drejtues Politiko – Ushtarak Forcës Paqeruajtëse Shumëkombëshe të Europës Juglindore (PMSC / MPFSEE) në Shqipëri.

**4.** Për shpronësimin për interes publik të pronarëve të pasurive të paluajtëshme, pronë private që preken nga ndërtimi i segmentit rrugor "Kthesa e Shëngjinit – Ura e re, Lezhë".

**5.** Për një shtesë fondi në buxhetin e vitit 2005, miratuar për Bursën e tiranës, sh.a.

**6.** Për miratimin e fondit të Shpenzimeve të Entit Rregullator të Telekomunikacioneve për vitin 2005.

**7.** Për miratimin në parim të marrëveshjes ndërmjet Këshillit të Ministrave të Republikës së Shqipërisë dhe qeverisë së Republikës së Malit të Zi, për ndihmë të ndërsjellë në fushën doganore.

**8.** Për miratimin e marrëveshjes "Për bashkëpunimin në fushën e turizmit, ndërmjet Këshillit të Ministrave të Republikës së Shqipërisë dhe Këshillit të Ministrave të Serbisë e malit të Zi".

**9.** Për miratimin e programit analitik të projektakteve, që do të paraqiten për shqyrtim në Këshillin e Ministrave gjatë vitit 2005.

## **UDHËZIME**

Për disa shtesa në udhëzimin nr.3, datë 15.2.2001, të Këshillit të ministrave, "Për mbikqyrjen dhe kolaudimin e punimeve të ndërtimit", të ndryshuar.

## **II. Mbledhje e Këshillit të Ministrave e datës 25 Shkurt 2005**

### **PROJEKTLIGJE**

*(Vendime për propozime projektligjesh)*

**1.** Për Inspektoratin Shtetëror të Ndërtimit.

- Projektligji ka për qëllim krijimin e Inspektoratit Shtetëror të Ndërtimit, si një strukturë e specializuar, e cila do të ushtrojë kontroll në sektorët shtetëror dhe privatë për zbatimin e ligjshmërisë në studimin e projekteve të ndërtimit, planifikimin, menaxhimin e kontrollin e territorit mban në kudhjet që parashikon ligji, prodhimin e tregtimin e produkteve të ndërtimit, shfrytëzimin e rezervave ujore etj.

Gjithashtu ky projekt parashikon edhe të drejtat dhe detyrat e inspektoratit për kontrollin teknik dhe ligjor dhe zbatimin e vendimeve për prishjet e eobjekteve kur ngarkohen me dispozita ligjore.

**2.** Për ndihmën shtetërore.

- Projektligji përcakton parimet dhe procedurat në bazë të të cilave miratohet dhe mbikqyret ndihma shtetërore, nëpërmjet vendosjes së një balance midis politikave mbështetëse që ndiqen nga shteti për zhvillimin ekonomik dhe shoqëror të rajoneve të veçanta dhe në tërësi, si dhe përmbushjes së angazhimeve të marra për këtë fushë në marrëveshjet ndërkomëtare.

Gjithashtu projektligji përcakton strukturat e ngarkuara për kontrollin e ndihmave shtetërore si edhe përcaktimin e kompetencave për të përmbushur detyrimet në këtë fushë.

**3.** Për vendosjen dhe kalimin në territorin e republikës së Shqipërisë të forcave të huaja ushtarake si dhe për dërgimin jashtë

*(Vijon në faqen 3)*

# Nga Mbledhjet e Këshillit të Ministrave

(Vijon nga faqja 2)

vendit të forcave ushtarake shqiptare.

- Projektligji ka një rëndësi të veçantë për integrimin e vendit tonë në strukturat e NATO-s. Ai do të përbëjë një ligj kuadër për pjesëmarrjen e njësisë të forcave të armatosura në gjithë llojet e misionëve e operacioneve jashtë vendit të drejtuara nga NATO, BE, OKB apo koalicionëve të ndryshme, si dhe pranimin e trupave të huaja në vend.

**4.** Për ristrukturimin e kompanisë komando të Forcave të Armatosura të Republikës së Shqipërisë, së bashku me strukturat mbështetëse, të dërguara në rajonin e Gjirit Persik, në kuadër të koalicionit ndërkombëtar kundër terrorizmit.

- Synimi i ristrukturimit të trupave tona në masul nuk rrit vetëm prezencën, por rrit më tej shkallën e sigurisë, si dhe mbështetjen më të mirë me shërbime të personelit tonë ushtarak në mision. Ristrukturimi do të sjellë ndryshim vetëm në numër, por jo në përfaqësimin e nivelit të njësisë ushtarake. Pra vendi ynë do të vazhdojë të mbetet me një kompani komando, por kjo kompani parashikohet të ketë një numër prej 120 vetësh nga 70 që ka aktualisht. Numri 120 vetë është numri optimal i një kompanie standarte të NATO-s.

## **VENDIME të Këshillit të Ministrave data 25.2.2005**

**1.** Për krijimin e Autoritetit shtetëror të sigurisë detare.

**2.** Për një shtesë në vendimin nr.596, datë 10.9.2004 të këshillit të Ministrave, "Për miratimin e statutit të autoritetit portual Durres dhe për riorganizimin e tij" dhe për një ndryshim në vendimin nr 390, datë 15.8.2002, të Këshillit të Ministrave, "Për mbrojtjen e objekteve të rëndësisë së veçantë me forcat e Policisë së Shtetit."

**3.** Për disa ndryshime dhe shtesa në vendimin nr.405, datë 8.1.1996, "Për administrimin e rrjetit rrugor kombëtar dhe rrjetit rural të Republikës së Shqipërisë", të ndryshuar.

**4.** Për krijimin e bordit të kullimit në zonën e shërbimit të kullimit të Dibrës.

**5.** Për krijimin e bordit të kullimit në zonën e shërbimit të kullimit të Kukësit.

**6.** Për disa shtesa dhe ndryshime në vendimin nr.540, datë 21.12.1992, të Këshillit të Ministrave, "Për krijimin e këshillave të kulturës dhe shpërbimin e tyre."

**7.** Për disa shtesa në vendimin nr.560, datë 2.12.1999 të Këshillit të Ministrave, "Për krijimin e fondacionit "Fondi i financimit të zonave malore".

**8.** Për pajisjen me seli të partisë "Demokracia Sociale".

**9.** Për dhënie fondi ndihme partisë "Lëvizja Socialiste për Integrim".

**10.** Për miratimin në parim të Marrëveshjes ndërmjet Këshillit të Ministrave të republikës së Shqipërisë dhe korporatës amerikane "Lockheed Martin Global Inc (LMGI)", për ndërtimin e sistemit të integruar të vëzhgimit të hapësirës detare.

**11.** Për një shtesë fondi në buxhetin e vitit 2005, miratuar për Ministrinë e Pushtetit vendor dhe Decentralizimit, për mbulimin e shpenzimeve për hartimin nga njësitë e qeverisjes vendore, të listave të zgjedhësve, për zgjedhjet e vitit 2005.

**12.** Për miratimin e përdorimit të fondit kundërparti të grantit japonez, për projektin "Rritja e prodhimit ushqimor 2KR".

## **Informacion mbi faqet e internetit të Institucioneve Qendrore**

(Vijon nga faqja 1)

**Ministria e Bujqësisë dhe Ushqimit**  
[www.mbu.gov.al](http://www.mbu.gov.al)

**Ministria e Kulturës, Rinisë dhe Sporteve**  
[www.mkrs.gov.al](http://www.mkrs.gov.al)

**Ministria e Mbrojtjes**  
[www.mod.gov.al](http://www.mod.gov.al)

**Ministria e Industrisë dhe Energjitikës**  
[www.meep.gov.al](http://www.meep.gov.al)

**Ministria e Rregullimit të Territorit dhe Turizmit**  
[www.mrrtt.gov.al](http://www.mrrtt.gov.al)

**Ministria e Ekonomisë dhe Zhvillimit**  
[www.minek.gov.al](http://www.minek.gov.al)

**Ministria e Integritit European**  
[www.mie.gov.al](http://www.mie.gov.al)

**Ministria e Mjedisit**  
[www.moe.gov.al](http://www.moe.gov.al)

# NGA PUNIMET E KUVENDIT PËR PERIUDHËN Shkut-Mars 2005

*(Vijon nga faqja 1)*

bledhur të punës së Institucionit të Avokatit të Popullit gjatë vitit 2004 në të gjitha aspektet e veprimtarisë së tij, pasi në mënyrë të zgjeruar ajo është paraqitur në Raportin Vjetor të depozituar në Kuvend.

Komisioni në përgjithësi vlerësoi punën e bërë nga ky Institucion për zbatimin e objektivit kryesor për t'i siguruar shtetasve shqiptarë ndihmën dhe keshillat e nevojshme në kohën e duhur.

Pas raportimit, anetaret e Komisionit të Ligjeve diskutuan rreth raportit vjetor për veprimtarinë e Avokatit të Popullit. Shumica e deputetëve vlerësuan punën e bërë nga ky institucion dhe arritjet e tij krahasur me një vit më parë dhe mbështetën shqetësimin e këtij institucioni për të tërhequr vëmendjen e Administratës publike shqiptare, përfshirë gjyqësorin dhe prokurorinë që të vlerësojnë akoma më shumë kërkesat dhe rekomandimet e Avokatit të Popullit gjatë veprimtarisë së tyre. Gjithashtu u vlerësua e domosdoshme ndryshimi i legjislacionit për Avokatin e Popullit me qëllim rritjen e efektivitetit dhe forcimin e rolit të Avokatit të Popullit në të ardhmen.

Disa deputetë kujtuan edhe mbështetjen që i kanë dhënë Avokatit të Popullit në votim në Kuvend për rizgjedhjen e tij në këtë detyrë. Megjithatë ata kërkuan që Avokati i Popullit të vlerësojë dhe të rrisë përgjegjësinë e tij për vitin në vazhdim. Ata kërkuan që raporti i vitit 2005 të jetë më i plotë dhe më i hollësishëm duke synuar më shumë në problemet që shqetësojnë një masë të gjerë njerëzish.

Nga të gjithë deputetët u mbështet kërkesa e Avokatit të Popullit për ndryshimin e ligjit dhe për përmirësimin e tij.

Nga ana e tij Avokatit i Popullit z. Ermir Dobjani u premtoi deputetëve se do të sillte në komision një draft të këtyre ndryshimeve brenda muajit duke kërkuar edhe një konsensus nga të gjithë deputetët për këto ndryshime dhe për rritjen e e bixhetit të Avokatit të Popullit.

Në përfundim të diskutimeve të seancës dëgjimore, Komisioni për Çështjet Ligjore hartoi dhe miratoi një projektrezolutë të vlerësimit të punës së këtij Institucioni dhe ia paraqiti atë për miratim seancës plenare.

## PROJEKT - REZOLUTË PËR VLERËSIMIN E VEPRIMTARISË SË INSTITUCIONIT TË AVOKATIT TË POPULLIT PËR VITIN 2004

**Kuvendi i Shqipërisë,**

***Njeh dhe mbështet veprimtarinë*** e Avokatit të Popullit për të rritur përgjegjshmërinë dhe transparencën e veprimtarisë së administratës publike shqiptare, përfshirë organet ekzekutive të gjyqësorit dhe të prokurorisë. Duke verifikuar ankesat dhe kërkesat e shtetasve shqiptarë, me zgjidhjet dhe rekomandimet e tij ka ndikuar që gjithë organet dhe autoritetet publike të punojnë më mirë në favor të qytetarëve për të realizuar një qeverisje më të mirë.

Dhënia e ndihmës ligjore nëpërmjet rekomandimeve dhe këshillave në rastet e konflikteve midis administratës dhe publikut, zbulimi i defekteve të administratës, denoncimi i sjelljeve të këqia të nëpunësve kundrejt qytetarëve, presioni për ndryshimin e procedurave të rënduara dhe të paqarta të Administratës Publike, krijimi i kushteve që qytetarët të gëzojnë të drejtat e tyre në marrjen e informacioneve të nevojshme nga Administrata Publike, nxitja e transparencës së kësaj të fundit në veprimtarinë e saj, angazhimi në rritjen e cilësisë së shërbimeve publike kanë qenë drejtimit kryesor të veprimtarisë së Avokatit të Popullit në zbatim të legjislacionit përkatës.

Kuvendi, pasi u njoh me Raportin për veprimtarinë e institucionit të Avokatit të Popullit për vitin 2004, në bazë të nenit 26 të ligjit nr.8454 datë 04.02.1999 "Për Avokatin e Popullit" dhe nenit 103, pika 2 të Rregullores së Kuvendit **konstaton:**

Avokati i Popullit tashmë është një institucion kushtetues i konsoliduar në mbrojtje të të drejtave dhe lirive të njeriut në Republikën e Shqipërisë që vepron i udhëhequr nga parimet e paanësisë, konfidencialitetit, profesionalizmit dhe pavarësisë. Veprimtaria e këtij institucioni është bërë gjithnjë e më publike. Kjo duket në besimin në rritje të publikut shqiptar tek ky institucion si dhe reagimin gjithmonë e më pozitiv të administratës publike shqiptare ndaj rekomandimeve të tij. Institucionet ndërkombëtare që merren me të drejtat e njeriut dhe ato homologë e kanë vlerësuar në vazhdimësi aktivitetin e këtij institucioni.

*(Vijon në faqen 5)*

# NGA PUNIMET E KUVENIT PËR PERIUDHËN Shkut-Mars 2005

*(Vijon nga faqja 4)*

**Kuvendi kërkon që për vitin 2005 t'i kushtohet vëmendje e veçantë këtyre objektivave:**

- 1- Bashkëpunimi i vazhdueshëm me Kuvendin, jo vetëm për ta informuar më mirë për situatën e të drejtave të njeriut dhe shkeljet e administratës publike në Shqipëri, por edhe për të bërë ndryshimet e nevojshme ligjore, që do të sillnin një efektivitet më të madh të Zyrës së Avokatit të Popullit.
- 2- Forcimi i bashkëpunimit me të gjitha segmentet e Administratës publike shqiptare për rritjen e standarteve të qeverisjes ose thënë më thjeshtë, për mirëqeverisje si dhe forcimi i bashkëpunimit me organizma të shoqërisë civile si grupe "presioni" pozitiv mbi administratën. Ky bashkëpunim si dhe ai me median do të konsolidojë më tej arritjet e deritanishme, me synim rritjen e efektshmërisë së ndërhyrjeve të Avokatit të Popullit për ngulitjen e praktikave të mira administrative.
- 3- Vazhdimi i veprimtarisë ndërgjegjësuere të publikut dhe të administratës për vendin dhe rolin e Avokatit të Popullit. Organizimi i ditëve të hapura në mënyrë periodike në zona të ndryshme të vendit, duke zbatuar edhe forma të tjera për t'ju afruar sa më shumë publikut.
- 4- Publikimi më mirë dhe më shumë i problemeve kryesore të evidentuara nga shkeljet e Administratës Publike në fushën e të drejtave të njeriut duke kërkuar edhe masa ndaj personave përgjegjës sipas ligjit.
- 5- Hapja e zyrave rajonale dhe caktimi i përfaqësuesve vendorë të Avokatit të Popullit sa më shpejt të jetë e mundur si dhe mirëfunksionimi i nënseksionit për mbrojtjen e të drejtave të fëmijëve mbi bazën e një studimi paraprak të detajuar.
- 6- Angazhimi i mëtejshëm për rritjen cilësore dhe sasiore të nivelit të raportimeve pranë organizmave ndërkombëtare. Kjo duhet të bëhet si në raportet e paraqitura nga pala shtetërore, ashtu edhe të raporteve alternative, të përgatitura në bashkëpunim me shoqërinë civile.
- 7- Domosdoshmëria për të ndërmarre nismën ligjore për të realizuar ndryshimet e nevojshme në ligjin organik "Për Avokatin e Popullit" për të reflektuar përmirësimin dhe plotësimin e kompetencave ligjore të Avokatit të Popullit.  
Me këtë rast Kuvendi tërheq vëmendjen e Administratës publike shqiptare, përfshirë gjyqësorin dhe prokurorinë që të vlerësojnë akoma më shumë kërkesat dhe rekomandimet e Avokatit të Popullit gjatë veprimtarisë së tyre.

## **Konkluzione të Raportit që dalin nga ankesat për punën e administratës publike shqiptare**

Pa pretenduar se konstatimet dhe konkluzionet që kemi nxjerrë gjatë raportit të punës për vitin 2004 për ankesat dhe kërkesat e shqyrtuara për çdo ministri më vete dhe këto që do të evidentojmë më poshtë janë përfundimtare dhe të pakritikueshme mendojmë të theksojmë se:

Në veprimtarinë e administratës publike shqiptare ka mjaft raste të shkeljeve të të drejtave të njeriut. Këto shkelje paraqiten si shkelje të afateve të përcaktuara për zgjidhjen në rrugë administrative të çështjeve në fusha të caktuara. Ka mosvlerësim, mosshqyrtim dhe mospërgjegjësi ndaj ankesave të qytetarëve, refuzim për pranimin e kërkesave, ankesave e aplikimeve të tyre, mohim të së drejtës për të marrë pjesë në procedurat administrative. Të gjitha këto janë mohim i së drejtës për t'u mbrojtur apo për të marrë informacion dhe për t'u njohur me dokumentat zyrtare.

Dihet se një pjesë e madhe e shërbimeve të administratës publike bëhet kundrejt pagesës së qytetarëve dhe shpesh këto tarifa janë jo të vogla në raport me pagat dhe nivelin e jetesës në Shqipëri. Ndonëse ka mjaft përmirësime në krahsim me dy apo më tepër vite më parë, akoma ka rradhë dhe humbje kohe për të kryer shërbimet për të cilat vetë administrata është e interesuar që klientët t'i kryejnë këto shërbime publike ose pagesa si p.sh në zyrat e rregjistrimit të pasurive të paluajtshme, pagesat për KESH, TELECOM etj. Evitimi i rradhëve të pritjeve apo cflitjeve të qytetarëve ka bërë që këta të fundit ta ndiejnë veten të respektuar, të kursejnë kohën e tyre të çmuar etj. Por mbi të gjitha do të evitonin edhe shfaqjet e korrupsionit "të vogël" që jo rrallë herë shoqëron këto situata. Duhet ta themi se shpesh kemi vënë re qëndrime të drejta dhe nivel të pranueshëm të vetëkorrigjimit të shkeljeve, sidomos nga administrata publike e nivelit të lartë në ministritë, në drejtoritë qëndrore, apo prefektura. Por kjo nuk ka ndodhur gjithmonë me bashkitë dhe sidomos me komunat apo autoritetet publike të nivelit të ulët, sidomos me degët e policisë ndërtimore në rrethe.

Përballë sfidave që ka përpara vetes, përveç përmirësimit të efektivitetit dhe kompletimit të sistemit të ri ligjor e administrativ brenda procesit të integritetit me Europën e Bashkuar, mendojmë

*(Vijon në faqen 6)*

# NGA PUNIMET E KUVENDIT PËR PERIUDHËN Shkut-Mars 2005

*(Vijon nga faqja 5)*

se detyrat kryesore për të gjithë administratën tonë publike janë:

**1. Të rritet kontrolli në të gjitha fushat e veprimtarisë konkrete të hallkave të administratës. Të mos kontrollohet vetëm aspekti financiar, siç ndosh shpesh, por vetë veprimtaria dhe funksioni përshkrues i punës së çdo nëpunësi. Për këtë duhet forcuar si kontrolli i brendshëm, ashtu edhe ai i jashtëm mbi administratën. Mund të krijohen struktura të reja kontrolli dhe atje ku ekzistojnë, duhen forcuar hallkat kontrolluese. Roli i Kontrollit të Lartë të Shtetit është i pazëvendësueshëm, veçse rekomandimet e tij duhen zbatuar pa hezitim.**

**2. Duhet të zbatohen pa hezitim dispozitat e ligjit “Për Kodin e Procedurave Administrative” dhe të ligjit “Për të Drejtën e Informimit mbi Dokumentat Zyrtare”, në të gjitha fushat dhe nivelet e administratës publike. Ndaj, çdo qytetari apo nëpunësi civil që me dashje apo pakujdesi shkel këto ligje, në të ardhmen duhen zbatuar masa disiplinore në varësi të shkallës së përgjegjësisë. Këto ligje kanë mbi 5 vjet që kanë hyrë në fuqi dhe askush nuk mund të shfajësohet me pakujdesi apo paditurinë e tyre.**

**3. Ligji “Për Statusin e Nëpunësit Civil” duhet të zbatohet për çdo vend pune të administratës publike. Kudo duhet të ketë një përshkrim të saktë të të drejtave dhe detyrave që ka personi në çdo vend pune (job description).**

**4. Të koordinohen më mirë punët brenda ministrive, midis ministrive me njëra-tjetrën e në veçanti marrëdhëniet e reja të decentralizimit dhe autonomisë së pushtetit vendor duhet të pranohen e saktësohen në praktika pozitive.**

**5. Forcimi i punës së drejtorive apo sektorëve juridikë në dikastere dhe respektimi i sugjerimeve të tyre nga titullarët, si dhe plotësimi me juristë i organeve më të ulta, veçanërisht në pushtetin vendor. Kjo ka ndikuar në nivelin e vendimeve të këtyre organeve, përfshirë këtu edhe rastin e marrjes**

**së vendimeve të kundraligjshme apo të parregullta, sepse në mjaft komuna, por edhe nëpër bashki nuk ka juristë, apo janë juristë që kanë diploma, por janë të paaftë.**

**6. Administrata publike e të gjitha niveleve duhet të bëjë normë të punës që të njohë nivelin e saj qeverisë. Kjo realizohet duke krijuar herë pas here sondazhe në publik për punën dhe zyrtarët e saj, por duhet edhe të zhvillojë më tepër punë propagandistike për veprimtarinë e saj dhe për çfarë shërbimesh i ofron ajo publikut.**

**7. Njohja dhe zbatimi i Kodit Etik të Administratës Publike të miratuar me ligjin Nr.9131 datë 08.09.2003 nga të gjithë funksionarët dhe nëpunësit publikë gjatë kryerjes së detyrave të tyre, bashkë me ligjin “Për Konfliktin e Interesave” që besojmë se do të miratohet këtë vit, do të luajnë një rol të rëndësishëm në përmirësimin e punës së administratës publike shqiptare.**

“Ne nuk mund të pretendojmë se kjo është një listë e plotë me rekomandime, të cilat do ta bëjnë punën e administratës shqiptare më të mirë ose do të përmirësojnë rrënjësisht menjëherë cilësinë e saj. Qëllimi ynë është modest: mbi bazën e trajtimit të ankesave të praqitura pranë nesh lidhur me punën e administratës, të japim shkurtimisht vëzhgimet dhe gjetjet tona, pra disa rekomandime që të vlejnjë. Ne e dimë që Kuvendi është institucion politik, prandaj jemi modestë dhe për të qenë të ekuilibruar, duhet të themi se duke patur parasysh rastet e ankesave dhe kërkesave që kanë ardhur në Institucionin tonë dhe veprimtarinë e administratës publike shqiptare, nuk është e mundur që të japësh një gjykim të prerë pozitiv, pa patur konteste të bazuara për të kundërtën e këtij gjykimi.

Ne kemi thënë dhe e përsëritim se puna jonë konkrete me organet e administratës publike ka si objekt kryesor: të merremi me rastet, ku ka dhunim të të drejtave të njeriut ose parrullsi të tjera që çojnë në shkeljen e këtyre të drejtave dhe të ndihmojmë qytetarët” - vazhdon Raporti i Avokatit të Popullit.....

# NGA PUNIMET E KUVENDIT PËR PERIUDHËN Shkut-Mars 2005

NGA PUNIMET E KUVENDIT PËR MUAJIN  
SHKURT 2005

## **I . Projektligje të shqyrtuara në komisionet e përhershme të Kuvendit dhe në séance plenare**

1. P/ligji "Për disa shtesa dhe ndryshime në ligjin nr.7973, datë 26.7.2005 "Për koncesionet dhe pjesëmarrjen e sektorit privat në shërbimet publike dhe infrastrukturë" (shqyrtuar në seancë plenare më datë 24 shkurt 2005).

Diskutimi i këtij projektligji në Komisionin për Ekonominë dhe Financat u zhvillua në prani të Ministrit të Pushtetit Vendor dhe Decentralizimit, Ben Blushi, i cili informoi deputetët për mungesën e infrastrukturës në shërbimin e gjendjes civile dhe për domosdoshmërinë e përmirësimit të shërbimit prej saj. Në funksion të këtij qëllimi, projektligji i paraqitur nga Këshilli i Ministrave synon të realizojë informatizimin e shërbimit të gjendjes civile, nëpërmjet dhënies me koncesion të këtij shërbimi kompanive ndërkombëtare të njohura në këtë fushë.

Gjatë diskutimit deputetët e mbështetën nismën e Këshillit të Ministrave për kryerjen e informatizimit të gjendjes civile. Disa deputetë të opozitës shfaqën mendimin se shërbimi i gjendjes civile është një ndër shërbimet themelore të shtetit dhe nuk duhet të jepet me koncesion, siç mund të jepen disa lloj shërbimesh të tjera që kanë burime alternative si arsimi, shëndetësia etj. Ata theksuan se dhënia me koncesion e këtij shërbimi publik kompanive private do të dobësojë rolin mbikëqyrës të shtetit ndaj tij dhe shprehën mendimin se duhen gjetur mënyra të tjera për kryerjen e informatizimit të këtij shërbimi. Burimet për kryerjen e informatizimit të gjendjes civile, sipas tyre, duhen kërkuar në rezervat që mund të ketë Buxheti i Shtetit, duke shkurtuar shpenzimet e panevojshme dhe, nëse nuk ka të tilla, të gjendet një burim kreditimi, duke nënshkruar marrëveshjet përkatëse qeveritare dhe duke zbatuar procedurat e parashikuara në ligjin "Për prokurimin publik", nëpërmjet përzgjedhjes së kompanisë fituese në procesin e tenderimit.

Në përgjigje të shqetësimit të ngritur nga deputetët, Ministri i Pushtetit Vendor dhe Decentralizimit informoi deputetët se projektligji parashikon që të gjitha veprimet e gjendjes civile do të kryhen në bazë të ligjit "Për gjendjen civile", ndërsa kompania private do të kryejë vetëm procesin e informatizimit, do të krijojë Regjistrin Kombëtar të Gjendjes Civile, i cili do të jetë i kompjuterizuar, si dhe do të prodhojë e shpërndajë dokumentet identifikuese.

Për të mos krijuar keqkuptim mbi përgjegjësinë e shtetit për shërbimet publike, Kuvendi vendosi që të

riformulojë nenin 1 të projektligjit, duke përcaktuar si fushë tjetër të dhënies me koncesion ose të arritjes së marrëveshjeve a kontratave të tjera "shërbime të caktuara në administratën publike".

Në përfundim, Kuvendi e miratoi projektligjin me shumicë votash.

2. Projektligji "Për kontrollin e figurës së personit zyrtar të zgjedhur apo të emëruar në organe të rëndësishme të shtetit" (shqyrtuar në seancë plenare më datë 24 shkurt 2005)

Ky projektligj është nismë e një grupi deputetësh dhe ka për qëllim të sigurojë kontrollin e pastërtisë së figurës të personave zyrtarë, për të rritur efektivitetin e punës së organeve shtetërore. Sipas projektligjit, personat që kanë shërbyer në Sigurimin e Shtetit në vitet 1946-1991 nuk duhet të përfshihen në radhët e personave zyrtarë, të zgjedhur ose të emëruar në funksione drejtuese të organeve të rëndësishme të veçantë. Në projektligj përcaktohen subjektet që do t'i nënshtrohen kontrollit të pastërtisë së figurës, organet kontrolluese, kompetencat dhe struktura e tyre.

Gjatë shqyrtimit të projektligjit në Komisionin për Çështjet Ligjore, Administratën Publike dhe të Drejtat e Njeriut relatorët e caktuar nga ky Komision dhanë argumentet e tyre pro dhe kundër tij. Shumica e deputetëve mbështetën argumentet që e kundërshtonin miratimin e këtij projektligji, e konkretisht:

- Projektligji bie ndesh me Kushtetutën e Republikës së Shqipërisë, e cila përcakton rastet se kur mund të bëhen kufizime të të drejtave dhe lirive të njeriut. Sipas Kushtetutës, kufizimet nuk duhet të çenojnë thelbin e lirive dhe të drejtave të njeriut, si dhe nuk mund të bëhen për shkak të ushtrimit të një veprimtarie që nuk ka përbërë përgjegjësi penale apo administrative në kohën kur është ushtruar.

- Projektligji bie ndesh me Konventën Europiane për të Drejtat e Njeriut, si dhe me praktikën e veprimtarisë së institucioneve dhe të organizatave ndërkombëtare, të cilat e konsiderojnë shkelje të të drejtave të njeriut hetimin, gjykimin dhe sanksionet ndaj individëve dhe, aq më tepër, të grupimeve të caktuara shoqërore për veprime që në kohën e kryerjes nuk kanë përbërë vepër penale apo shkelje të ligjit të një natyre tjetër. Përfundimisht bëhet vetëm për personat që individualisht kanë kryer ose janë pjesëmarrës në kryerjen e krimeve kundër njerëzimit.

- Për çështjen e verifikimit të figurave zyrtare të personave publikë dhe të individëve të tjerë ka patur një ligj me nr.8043, datë 30 nëntor 1995, i cili është ndryshuar më pas dhe shumica e dispozitave të tij janë shfuqizuar, për shkak të vërejtjeve të institucioneve ndërkombëtare se ligji shkel të drejtat dhe liritë

*(Vijon në faqen 8)*

# NGA PUNIMET E KUVENDIT PËR PERIUDHËN Shkut-Mars 2005

(Vijon nga faqja 4)

themelore të njeriut. Miratimi i një ligji të ngjashëm në kohën e sotme nuk është i drejtë, pasi kanë kaluar 14 vjet nga rrëzimi i sistemit të mëparshëm dhe gjendja aktuale nuk e dikton një gjë të tillë. Ushtrimi i kontrollit mbi figurën e personave zyrtarë sot bëhet për një kategori të caktuar funksionarësh, është i mbështetur në ligj dhe ushtrohet për veprime ose mosveprime që përbëjnë vepër penale. Penalizimi i personave të parashikuar në projektligj nuk mund të bëhet, pasi nuk ka procese gjyqësore dhe prova konkrete të fajësisë penale dhe administrative për çështje të së kaluarës për çdo individ.

- Projektligji i le hapësirë çdo individ që të ketë të drejtën e informimit, gjë që bie ndesh me parimin kushtetues të mbrojtjes së të dhënave personale.

- Në të drejtën shqiptare dhe ndërkombëtare faji dhe përgjegjësia janë individuale. Ekzistenca ose jo e tyre duhet të provohet rast pas rasti.

- Hetimi dhe gjykimi i çështjeve që kanë të bëjnë me veprime të së kaluarës bëhet në bazë të ligjit të kohës kur ato janë kryer.

Gjatë shqyrtimit të projektligjit deputetët dëgjuan edhe opinionin e relatorit tjetër të caktuar për të, përfaqësues i Grupit Parlamentar të PD-së, i cili e mbështeti projektligjin, madje kërkoi zgjerimin e objektit të tij, duke përfshirë në të edhe dy kategori të tjera:

- Ideatorët e Sigurimit të Shtetit, mbështetur në vendimet e Byrosë Politike të KQPPSH-së;

- Drejtuesit kryesorë të Sigurimit të Shtetit.

Deputetët dëgjuan edhe opinionin e nismëtarëve të projektligjit, të cilët u shprehën se ai nuk bie ndesh me Kushtetutën, e cila parashikon se kufizimi i të drejtave dhe lirive të parashikuara në të mund të vendoset vetëm me ligj. Gjithashtu, ata theksuan se Kushtetuta i jep të drejtë çdo individ që, në përputhje me ligjin, të marrë informacion për veprimtarinë e organeve shtetërore.

Në përfundim të diskutimit, Kuvendi vendosi me shumicë votash që të mos e miratojë projektligjin.

## II. Raportime të institucioneve të pavarura

1. Raport i Komisionit të Shërbimit Civil (shqyrtuar në seancë plenare më datat 7 dhe 10 shkurt 2005)

Kryetari i Komisionit të Shërbimit Civil, Roland Përmeti, raportoi në Komisionin për Çështjet Ligjore, Administratën Publike dhe të Drejtat e Njeriut dhe në seancë plenare për punën e institucionit që ai drejton gjatë vitit 2004 në të gjitha aspektet e veprimtarisë së saj si, shqyrtimi dhe zgjidhja e ankesave, rritja e nivelit të mbikëqyrjes dhe menaxhimi i shërbimit civil, bashkërendimi i punës dhe bashkëpunimi me institucionet e tjera, ecuria e reformave në shërbimin civil në kuadër të procesit të integritetit në Bashkimin Europian, bashkëpunimi i vazhdueshëm me institucionet ndërkombëtare si dhe prioritetet për vitin 2005.

Gjatë diskutimit për këtë Raport deputetët vlerësuan punën dhe rezultatet e arritura nga Komisioni i Shërbimit Civil në krahasim me një vit më parë. Në mbështetje të shqetësimit të ngritur nga anëtarët e këtij Komisioni për shkallën e pamjaftueshme të zbatimit të ligjit nr.8549, datë 11.11.1999 "Statusi i nëpunësit civil", ata kërkuan rritjen e shkallës së bashkëpunimit të këtij institucioni me institucionet e tjera të administratës publike, si dhe rritjen e përgjegjësisë së këtyre të fundit për të zbatuar kërkesat e këtij ligji.

Në përfundim të diskutimit, Kuvendi miratoi një Rezolutë për vlerësimin e veprimtarisë së Komisionit të Shërbimit Civil për vitin 2004.

2. Raportim i Këshillit Kombëtar të Radiotelevizionit (KKRT-së) (shqyrtuar në seancë plenare në datat 15 dhe 17 shkurt 2005)

Kryetari i Këshillit Kombëtar të Radios dhe Televizionit, Halil Lalaj, në Raportin e tij informoi Kuvendin për veprimtarinë e institucionit që ai drejton gjatë vitit 2004.

Gjatë diskutimit për këtë Raport në Komisionin për Edukimin dhe Mjetet e Informimit Publik dhe në seancë plenare deputetët vlerësuan punën e kryer prej KKRT-së gjatë vitit 2004. Ata u ndalën në disa probleme që kanë të bëjnë me veprimtarinë e KKRT-së, si administrimi i frekuencave, programet televizive, plotësimi i kushteve të licencës nga operatorët radio-televizivë, precedenti "dixhital", monitorimi i programeve informative, detyrimet financiare të operatorëve etj.

Në fund, Kuvendi e miratoi Raportin për veprimtarinë e KKRT-së për vitin 2004, duke hartuar Vendimin përkatës.

3. Informim i Prokurorit të Përgjithshëm (paraqitur në seancë plenare më datë 24 shkurt 2005)

Prokurori i Përgjithshëm, Theodhori Sollaku, informoi Kuvendin për rezultatet në treguesit kryesorë të gjëndjes së kriminalitetit në Shqipëri gjatë vitit 2004, drejtimet dhe përparësitë në luftën kundër tij, shkallën e zbatimit të ligjit, përmirësimet e nevojshme ligjore për të rritur efektivitetin në luftën kundër kriminalitetit në përgjithësi dhe atij të organizuar e korrupsionit në veçanti, efektivitetin në ndjekjen penale dhe në parandalimin e kriminalitetit.

Mbështetur në realizimin e treguesve të punës, arritet në përfundimin se Prokuroria e Përgjithshme ka arritur rezultate pozitive në drejtimet më kryesore të ushtrimit të funksioneve nga prokurorët e të gjitha niveleve, duke rritur volumin e punës, efektivitetin dhe ligjshmërinë në ndjekjen penale, në ngritjen e akuzës së gjykatë në emër të shtetit, në ekzekutimin e vendimeve penale, në mbikëqyrjen e vuajtjes së dënimit, si dhe në ushtrimin e funksioneve të tjera të ngarkuara me ligj.



# KALENDAR I

## 3 JAVOR (15 mars - 4 prill 2005) I PUNIMEVE TË KUVENDIT

E martë, datë 15.3.2005, ora 17.00

– *Seancë Plenare*

1. Miratimi i Programit të Punës të Kuvendit për periudhën 15 Mars – 27 Maj 2005.
2. Miratimi i Kalendarit të punimeve të Kuvendit.
3. P/Vendim “Për ngritjen e Komisionit të Posaçëm Parlamentar”.
4. Raport i Kryetarit të Kontrollit të Lartë të Shtetit, dhe votimi i projekt-rezolutës për vlerësimin e punës të këtij institucioni.

Data 15 mars deri 23 mars 2005

– *Veprimtari në Komisione*

- P/ligji “Për ratifikimin e marrëveshjes financiare ndërmjet Këshillit të Ministrave të Republikës së Shqipërisë dhe Komisionit të Komuniteteve Europiane, për programin vjetor kombëtar të veprimit CARDS 2004”.

***Komisioni për Ekonominë dhe Financat,  
Komisioni për Çështjet Ligjore,  
Administratën Publike dhe të Drejtat e  
Njeriut,  
Komisioni i Integritimit Europian,  
Komisioni i Jashtëm.***

- P/ligji “Për ratifikimin e Konventës Europiane “Për marrëdhëniet me fëmijët”.

***Komisioni për Çështjet Ligjore,  
Administratën Publike dhe të Drejtat e  
Njeriut,  
Komisioni i Jashtëm,  
Komisioni për Punën, Çështjet Sociale dhe  
Shëndetësinë,  
Komisioni për Integritimin.***

- P/ligji “Për aderimin e Republikës së Shqipërisë në marrëveshjen Europiane për plotësimin e “Konventës për trafikun rrugor “hapur për nënshkrimin në Vjenë në 8 nëntor 1968” bërë në Gjenevë në 1 maj 1971”.

***Komisioni për Çështjet Ligjore,  
Administratës Publike dhe të Drejtat e  
Njeriut,  
Komisioni i Jashtëm,  
Komisioni për Veprimtaritë Prodhuese,  
Tregtinë dhe Mjedisin.***

- P/ligji “Për një trajtim të veçantë financiare të detarëve që kanë punuar në nëndetëse në pension” (grup deputetësh).

***Komisioni për Punën, Çështjet Sociale dhe  
Shëndetësisë,  
Jep mendim; Komisioni për Ekonominë  
dhe Financat.  
Relator: L.Malltezi, D.Shehu***

- P/ligji “Për një trajtim të veçantë financiar të efektivave, oficerë dhe nënoficerë, lundruës, të nëndetëseve dhe polumbarëve të forcave detare në pension”.

***Komisioni përgjegjës: Komisioni për  
Punën, Çështjet Sociale dhe Shëndetësinë.  
Jep mendim: Komisioni për Ekonominë  
dhe Financave.***

- P/ligji “Për vendosjen dhe kalimin në territorin e Republikës së Shqipërisë të Forcave Ushtarake të huaja, si dhe për dërgimin jashtë vendit të forcave ushtarake shqiptare”.

***Komisioni përgjegjës: Komisioni për  
Sigurinë Kombëtare.  
Relator: Ardian Myslymaj***

- P/ligji “Për statusin e punonjësit të Shërbimit Informativ të Shtetit”.

***Komisioni përgjegjës: Komisioni për  
Sigurinë Kombëtare .  
Relator. M.Balla***

- P/Ligji “Për sportin”.

***Komisioni përgjegjës: Komisioni për  
Edukimin dhe Mjetet e Informimit Publik.  
Relator: Agron Tato***

- P/vendim: “Për miratimin e metodologjisë për përcaktimin e vlerës së pronës dhe propozimin e saj Kuvendit të Republikës së Shqipërisë”.

***Komisioni përgjegjës: Komisionin për  
Ekonominë dhe Financat  
Jep mendim: Komisioni për Veprimtaritë  
Prodhuese, Tregtinë dhe Mjedisin.***

(Vijon në faqen 10)

# KALENDARI 3 JAVOR I PUNIMEVE TË KUVENDIT

(Vijon nga faqja 9)

- P/ligji "Për një trajtim të veçantë të punonjësve që kanë punuar në disa ndërmarrje të industrisë ushtarake".

**Komisioni përgjegjës: Komisioni për Veprimtarinë Prodhuese, Tregtinë dhe Mjedisin.**

**Relator: M. Ukperaj, Z. Gjoka**

**Jep mendim: Komisioni për Punën, Çështjet Sociale dhe Shëndetësinë, Komisioni për Integrimin.**

- P/ligji "Për konfliktin e interesave".

**Paraqitur nga grup deputetësh.**

**Komisioni përgjegjës: Komisioni për Çështjet Ligjore, Administratën Publike dhe të Drejtat e Njeriut.**

**Relatora: Albert Çaçi**

**Jep mendim: Komisioni për Ekonominë dhe Financat.**

- P/ligji "Për parandalimin e konfliktit të interesave në ushtrimin e funksioneve publike".

**Komisioni përgjegjës: Komisioni për Çështjet Ligjore, Administratën Publike dhe të Drejtat e Njeriut.**

**Relator: Albert Çaçi**

**Jep mendim: Komisioni për Ekonominë dhe Financat**

- P/ligji "Për Qiranë Financiare".

**Komisioni përgjegjës: Komisioni për Ekonominë dhe Financat.**

- P/ligji "Për një shtesë në ligjin nr.7870, datë 13.10.1994 "Për Sigurimet shëndetësore në Republikën e Shqipërisë", të ndryshuar.

**Komisioni përgjegjës: Komisioni për Punën, Çështjet Sociale dhe Shëndetësinë**

- P/ligji "Për të drejtën e autorit dhe të drejtat e tjera, të lidhura me të".

**Komisioni përgjegjës: Komisioni për Edukimin dhe Mjetet e Informimit Publik.**

- P/ligji "Mbi Dhomën e Mjekëve veterinerë dhe profesionin e Mjekut veterinar".

**Komisioni përgjegjës: Komisioni për Veprimtarinë Prodhuese, Tregtinë dhe Mjedisin.**

**Relator: Niko Faber**

- P/ligji "Për Gradat dhe karrierën në Gardën e Republikës së Shqipërisë".

**Komisioni Përgjegjës: Komisioni për Sigurinë Kombëtare.**

**Relator: J.Ndokaj**

- P/vendim "Për disa shtesa dhe ndryshime në Vendimin nr.88, datë 8.9.2003 të Kuvendit të Shqipërisë "Për miratimin e numrit të punonjësve dhe pagave të Inspektoriatit të Lartë të Deklarimit dhe Kontrollit të pasurive".

**Komisioni përgjegjës: Komisioni për Ekonominë dhe Financat.**

- Seancë dëgjimore publike për Raportin e Këshillit të Ministrave (për gjendjen me shërbimin civil).

**Komisioni për Çështjet Ligjore, Administratës Publike dhe të Drejtat e Njeriut.**

- Seancë dëgjimore publike për Raportin e Këshillit Drejtues të Radiotelevizionit Publik.

**Komisioni për Edukimin dhe Mjetet e Informimit Publik.**

**E enjte, datë 17.03.2005, ora 10.00**

**- Seancë Plenare**

1. Diskutimi për çështje që nuk janë në rendin e ditës (deri në 60 minuta).

2. Diskutimi në parim i projektligjeve:

2.1.P/ligji "Për disa shtesa dhe ndryshime në ligjin nr.8685, datë 9.11.2000 "Për një trajtim të veçantë të punonjësve që kanë punuar në miniera në nëntokë".

**Relator: Fatbardha Shabani  
Flamur Rogu**

2.2.P/ligji "Për dhomat e tregtisë dhe të industrisë".

**Relator: Saimir Curri  
Refet Dervina**

2.3.P/ligji "Për statusin e punonjësit të Shërbimit Informativ të Shtetit".

**Relator: Maksut Balla.**

2.4.P/ligji "Për disa shtesa në ligjin nr.9049, datë 1.4.2003 "Për deklarimin dhe Kontrollin e pasurive, të detyrimeve financiare të të zgjedhurve dhe disa nëpunësve publikë".

**Relator: Sotir Kokeri, Sali Shehu.**

2.5.P/ligji "Për vendosjen dhe kalimin në territorin e Republikës së Shqipërisë të Forcave Ushtarake

(Vijon në faqen 11)

# KALENDARI 3 JAVOR I PUNIMEVE TË KUVENDIT

(Vijon nga faqja 10)

të huaja, si dhe për dërgimin jashtë vendit të Forcave Ushtarake Shqiptare.

- **Relator: Ardian Myslymaj**

**E hënë, datë 21.03.2005, ora 17.00**

- **Seancë Plenare**

1. Pyetje dhe Interpelanca.
2. Raport i Këshillit të Ministrave për gjendjen në Shërbimin Civil.

**Data 23 Mars deri 4 prill 2005**

- **Veprimtari në Komisione**

- P/ligji "Për ratifikimin e Konventës "Për pjesmarrjen e të huajve në jetën publike në nivel lokal".

**Komisioni për Çështjet Ligjore,  
Administratën Publike dhe të Drejtat e  
Njeriut,  
Komisioni i Jashtëm,  
Komisioni për Integrimin.**

- P/ligji "Për procedurat e njohjes së zotësisë juridike të personit juridik kishtar të kishës katolike".

**Komisioni përgjegjës: Komisioni për  
Çështjet Ligjore, Administratën Publike  
dhe të Drejtat e Njeriut.**

- P/ligji "Për disa shtesa dhe ndryshime në ligjin nr.7703, datë 11.5.1993 "Për Sigurimet Shoqërore në Republikën e Shqipërisë", i ndryshuar.

**Komisioni përgjegjës: Komisioni për  
Punën, Çështjet Sociale dhe Shëndetësinë.  
Jep mendim: (për ndikim në buxhet),  
Komisioni për Ekonominë dhe Financat.**

- P/ligji "Për disa ndryshime e shtesa në ligjin nr.7703, datë 11.5.1993 "Për Sigurimet shoqërore në Republikën e Shqipërisë".

**Paraqitur nga deputeti F.Mediu, N.Alibali  
dhe A.Garruli.**

**Komisioni përgjegjës: Komisioni për  
Punën, Çështjet Sociale dhe Shëndetësinë.  
Jep mendim: Komisioni për Ekonominë  
dhe Financat**

- P/ligji "Për efikasitetin e energjisë elektrike".

**Komisioni përgjegjës: Komisioni për  
Veprimtaritë Prodhuese, Tregtinë dhe  
Mjedisin.  
Relator: Durim Hushi.**

- P/ligji "Për pezullimin e procedurave të privatizimeve deri në Legjislaturën vijuese të Kuvendit".

**Komisioni përgjegjës: Komisioni për  
Ekonominë dhe Financat.**

- P/ligji "Për disa shtesa dhe ndryshime në ligjin nr.7850, datë 29.7.1994 "Kodi Civil i Republikës së Shqipërisë ndryshuar me ligjin nr.8556, datë 18.10.1999 dhe me ligjin nr.8781, datë 3.05.2001". (grup deputetësh).

**Komisioni përgjegjës: Komisioni për  
Çështjet Ligjore, Administratën Publike  
dhe të Drejtat e Njeriut.**

- P/ligji "Për disa ndryshime në ligjin nr.7895, datë 27.01.1995 "Kodi Penal i Republikës së Shqipërisë", ndryshuar në ligjin nr.8204, datë 10.4.1997, ndryshuar me ligjin nr.8204, datë 10.4.1997, ndryshuar me ligjin nr.8279, datë 15.01.1998, ndryshuar me ligjin nr.8733, datë 24.01.2001". (grup deputetësh).

**Komisioni përgjegjës: Komisioni për  
Çështjet Ligjore, Administratën Publike  
dhe të Drejtat e Njeriut.**

- P/ligji "Mbi Kontrollin e OMGj-ve".

**Komisioni i përgjegjës: Komisioni për  
Veprimtaritë Prodhuese, Tregtinë dhe  
Mjedisin.**

- P/ligji "Për Muzetë".

**Komisioni përgjegjës: Komisioni për  
Edukimin dhe Mjetet e Informimit Publik**

- Seancë dëgjimore publike për raportin vjetor të Komisionit Qëndror të zgjedhjeve.

**Komisioni për Çështjet Ligjore,  
Administratës Publike dhe të Drejtat e  
Njeriut**

**E enjte, datë 24.3.2005, ora 10.00**

- **Seancë Plenare**

1. Diskutimi për çështje që nuk janë në rendin e ditës (deri në 60 minuta).
2. Diskutimi në parim i p/ligjeve:

(Vijon në faqen 12)

# KALENDARI 3 JAVOR I PUNIMEVE TË KUVENDIT

(Vijon nga faqja 11)

2.1.P/ligji “Për ratifikimin e marrëveshjes financiare ndërmjet Këshillit të Ministrave të Republikës së Shqipërisë dhe Komisionit të Komuniteteve Europiane, për programin vjetor kombëtar të veprimit CARDS 2004”.

2.2.P/ligji “Për ratifikimin e Konventës Europiane “Për marrëdhëniet me fëmijët”.

2.3.P/ligji “Për aderimin e Republikës së Shqipërisë në marrëveshjen Europiane për plotësimin e “Konventës për trafikun rrugor “hapur për nënshkrimin në Vjenë më 8 nëntor 1968, bërë në Gjenevë në 1 maj 1971.

2.4.P/ligji “Për një trajtim të veçantë financiar të detarëve që kanë punuar në nëndetëse në pension” (grup deputetësh).

2.5.P/ligji “Për një trajtim të veçantë financiar të efektivave, oficerë dhe nënoficerë, lundruer, të nëndetëseve dhe polumbarëve të forcave detare në pension”.

2.6.P/ligji “Për shërbimin e mbrojtjes së bimëve”.

**Relator: Zyhdi Pepa**

2.7.P/ligji “Akti i lirisë së shtypit”.

**E martë, datë 29.3.2005, ora 17.00**

**- Seancë plenare**

1. Pyetje dhe Interpelanca.
2. Raport i Këshillit Drejtues të Radio – Televizionit Publik dhe miratimi i projektrezolutës për vlerësimin e punës të këtij Këshilli.

**E enjte, datë 31.3.2005, ora 10.00**

**- Seancë Plenare**

1. Diskutim për çështje që nuk janë në rendin e ditës.
2. Diskutimi në parim i p/ligjeve:

2.1.P/ligji “Për ratifikimin e Konventës “Për pjesmarrjen e të huajve në jetën publike në nivel lokal”.

2.2.P/ligji “Për procedurat e njohjes së zotësisë juridike të personit juridik kishtar të Kishës Katolike”.

2.3.P/ligji “Për një trajtim të veçantë të punonjësve që kanë punuar në disa ndërmarrje të industrisë ushtarake”.

**Relator: M.Ukperaj, Z.Gjoka**

2.4.P/ligji “Për gradat dhe karrierën në Gardën e Republikës së Shqipërisë”.

**Relator: J.Ndokaj**

2.5.P/vendim: Për miratimin e metodologjisë për përcaktimin e vlerës së pronës dhe propozimin e saj, Kuvendit të Republikës së Shqipërisë”.

**E hënë, datë 4 prill 2005, ora 17.00**

**- Seancë Plenare**

1. Miratimi i Kalendarit të punimeve të Kuvendit .
2. Raport vjetor i Komisionit Qëndror të Zgjedhjeve dhe miratimi i projektrezolutës për vlerësimin e punës të institucionit.
3. Mocion për debat me Kryeministrin, kërkuar nga grupi parlamentar i PD-së.

**Denada BRESHANAJ**

Koordinatorë Projekti/Project Coordinator

Qendra e Studimeve Parlamentare/

Centre for Parliamentary Studies

Rr. Sami Frasheri, Pall. e Aviacionit, nr.3/15

Tirana-Albania Tel/Fax: +355 4 240 214;

[cps@albaniaonline.net](mailto:cps@albaniaonline.net);

[www.ascdp.org](http://www.ascdp.org)